



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

IX. Die Avgvsti.

**urn:nbn:de:hbz:466:1-9625**

*Amor Dei.* quòd peccatum, etiam minimum, esset aduersarius amoris Dei. Extremis tamen vitæ diebus reddita est illi pax atque tranquillitas.

*Oratio.* Mirabili orandi felicitate cælestes delicias delibabat, cum familiari vsu, ad Christi pedes sese abiiceret. Ibi reperiebat dulcem materiam cogitandi, atque orandi. Ibi voluntatem suam diuinæ coniungebat, & sua omnia in holocaustum offerebat: istic inuento veluti thesauro diues.

*Morsu.* Cum peste afflatus decumberet, vi-

dere sibi visus est Christum amabili maiestate præsentem ad lectulum, ardentem, ac hæc verba dicentem: *Ego veni ut vitam habeant, & abundantius habeant.* quo ille spectaculo ac verbis aded est recreatus, ut spem recuperandæ valetudinis, ac deinde pristinam etiam valetudinem, receperit. Magna fuit passim de illius virtute opinio: aiuntque illum Hispali, & alibi ægris manus imposuisse; & illos benè habuisse.

*Christus.*

*Vita.*

## IX. DIE AVGVSTI.

P. IOANNES

P. MATTHIAS

DAVID.

BVRNATIVS.

*Humilit.*  
9 August.  
Belga. An-  
tuerpia.  
1613. ætat.  
67. Soc. 31.

**H**Vnc virum & ante & post initam Societatem zelus insignis & attentata disciplinæ accuratio commendavit. Pluribus Collegiis exemplo & rectione præfuit. Sancta sanctè scribendi ac dicendi arte magnus, & rarus ad varia hominum ingenia variè occupanda. Gandavi cælitum statua ab Iconomachis hæreticis deiecta, illo adnitente quâ publicis, quâ priuatis impensis restituta. Contracurionem cum ageret in vrbe patriam flagranter pro re Catholica stetit, ut hæreticorum iussu tertium exularet. Ibidem exquisita illi domi ad omnem pudicitiam, imò ad seueritatem vsque disciplina fuit semper: unde nec Matris contubernium admittere voluit; ne matris obtentu alia domum frequentare auderent. Durus illi ac vilis lectulus: & penes hunc lectulus sepulchralis ex asseribus quasi condendo nunc eius cadaveri adornatus; ad mortis memoriam retinendam.

*Fides.*

*Letitia.*

*Mors.*

**I**N Scholis, & Seminariis, iuuentutis ingenium ac mores aptè formabat, sed animos ad fidem frugemque longè aptissimè in iis quas passim habebat sacris expeditionibus per Bohemiæ missiones: in quibus multos orthodoxæ veritati addixit: ea propter à rusticis hæreticis irruentibus, & *Sacerdotem* se ad supplicium quære vociferatis, capite vulneratus, furcâ fossus, glande plumbeâ de sclopo missâ confectus est.

*Germanus*  
in Missionibus  
Bohemiæ 9 Aug.  
1629. Soc. 40

P. IVLIVS CÆSAR

COTVRIVS.

**W**Rastislauiæ Collegio cum præfesset, totâ aliquando nocte pernoctans erat in oratione Dei pro suis contra hæreticos. Si quid à B. V. peteret, præter artes alias, ternas coronas quotidie recitabat. Hemicranij, calculi, & alios dolores pro purgatorij compendio offerebat Deo patientiâ insigni.

*Belga.*  
Vuartember-  
ga 9. Aug.  
1651. ætat.  
55. Soc. 35.

*Oratio.*  
B. V.

MM 2

Iesum



Ang. Chf.

Iesum parvulum sub natalis eius ferias in cubiculo prostratus per semihoram quotidie adorabat. Nouē domi Rector cum esset, ope rogati Angeli custodis, ut ipse aiebat, pecuniam reperit in pluteo, in quo per nullam diligentiam antea quicquam poterat reperire. Glacij peste afflictis seruiuit.

## X. DIE AVGVSTI.

P. MELCHIOR  
NVNNEZ.

10. August.  
Lufitanus  
Gor. 1571.  
Ætat. 52.  
Soc. 28.

**H**Oc authore Ioannes Nunnez, eius germanus, ad introspicendam Dei voluntatem attentus, Deiparâ consultatrice, Patre Fabro magistro vsus, Societati nomen dedit, factus postea Æthiopiæ Patriarcha. Hic nobilis adolescens, in ipso limine Societatis, heroicâ de se victoriâ reportatâ veruecem humeris per urbem tulit, aliis risu, aliis admiratione virtutem egregiam profecutus. Quæ in India, Sinis, Iaponia gesserit habet eius vita; vbi etiam de Armenio Episcopo doctè conuictio, ac ne noceret, prouidenter aliò destinato. In Sinarum portu, cum intelligeret eorum quendam qui istic erant, interfuisse S. Xauerio morienti thecamque Xauerij habere, impensè apud illum egit ut ab eo pignus tam nobile extorqueret: Æneum ac rude receptaculum erat, quo recluso repertum istic perexiguū, quiddam è lipsanis S. Thomæ Apostoli, nomen *Ignatij* ex epistola fortè resectum & profectio ipsius manu Xauerij exarata.

Novitium.

Fides.

S. Xauerij  
Thecula re-  
liquia.

P. IOANNES  
SANGENOTIVS.

Lotharingus  
Burdigala.  
Aug. 1587.

**E**T agendo & contemplando fuit præclarus. Ineunte Augusto, cum quæreret è valetudinario ecquis illi

Sanctus in communi cælitum fortitione obuenerit, audiretque Sanctum Laurentium, adiecit. Idem & mihi, quare oremus illum vterque ut illo die in Paradisum admittat. Noctu Christus illum & Christi mater in quiete suo aspectu recreauere; id quod ille manè cum Præposito Prouinciali retulisset, affirmatè dixit; Triduo post migrandum sibi esse de vita. Et quo prædixerat tempore migravit, benè vndequaque ad mortem præuisam compositus, atque ab ipso Christo & Virgine præparatus. Incompertum mihi & an hic sit idem cum P. Carolo Sanginot, de quo dixi 7. Augusti.

Mori.  
B. V.

AVGVSTINVS  
OTA NOVITIVS.

**A**Bonziorum institutione anno 15. Ætatis ad Christi disciplinam transit. Camboensi ædi sacre aliquamdiu seruiuit; & sacerdotis (cum abesset) vices, quâ licuit, populo in fide confirmando suppluit. Nangasachi vxore mortuâ viduus operam suâ Societati addixit, fidelis catechista, & operarius impiger. Cum esset P. Camilli Constantij comes in carcere, Societatem à Præposito Prouinciali per literas impetrauit, à Camillo commēdatus, atque admissus: & postredie in fidei Christianæ odium cēdendus, vota, de Societatis more, concepit. Camillus flammis, Augustinus ac socij securi percussi cecidēre, corporibus in mare abiectis.

Iapon. I.  
koniscimz.  
10. August.  
1621.

Fides.

P. NVN.